

— 360 —

SONNEN GOH

Er Filotour fin.



I

Cheleuet tud ieuank hag er ré goh eùé
Hui gleuo ur soñnen konpozet a neùé.

II

Me ia de gontein d'oh buhé 'r filotour fin ;
Ha mar doh ankinet me rei mé d'oh hoarhein.

III

El mé oé dén a drès, o ia ha braù gusket,
Ean e ias én otel de houlén bout lojet.

IV

O geou, dénig ieuank, lojet mat e véet
Reit e vo d'oh de gouén er péh e garéet.

V

P'en doé débret, ivet ha hoariet é rol
E péd match en ti de zistallein en daul.

VI

Cheret mat hou poutailh, rinset mat hou kuéren ;
Kaset mé de gousket en ur gulé kann guen.

VII

Pe oé en é hulé ne hellé ket kousket :
Chonj ag é bëemant hag argant n'en doé ket !

— 361 —

VIII

Ean oeit ha groeit ur chonj, ha monet d'er jardrin
Kavet ur pioch ino ha ean de biochein.

IX

Kavet ur pioch ino komans toulein en doar
Ha boutet é vrageu barh en toul-sé, rektal.

X

Ha ean oeit ag ino eit kavouit é hulé
Em lakas de gousket ha de hortoz en dé.

XI

Diù ér érauk en dé 'saù geton ur safar
Balamort d'é vrageu en doé boutet én doar.

XII

Aben en ostizéz, ha oeit d'er hlué pignet :
Chomet en hou repoz ; petra zo arriüet.

XIII

Ostizéz, ha ! trahoal zo genein degoéhet
Mem brageu oé genein ol em es ind kollet.

XIV

Mignoñned ha me zad, sekouret-mé berpet
Me argand, mem brageu, rah ou des ind skrapet.

XV

Kollet é hou prageu, n'en det ket de houilein,
En ostiz 'des argant ha moiand d'ou fécin.

XVI

Mem brageu oé genein ; hag em es ind kollet !
Tregont pistol 'm sakot, hag e zo bet lèret.

XVII

Me gavo d'oh testeu, bout fautehé kant d'ein
Pe oen deit en hou ti, oé men brageu genein !

XVIII

Genein oé eur milén, eur milén, argand guen ;
Pasant tregont pistol ha hoah deu skouid ohpen !

XIX

Reit d'ein pemzek pistol, un abit mihér sol,
Me lausko en hantér, ne gollein ket en ol.

XX

Me lausko en hantér, ne gollein ket en ol
Hag é han hoah ur huéh de valé 'dan en héaul.

— 362 —

XXI

Ha oeit en ostizéz, geti ur galoñnad
De rein dehon pemzek pistol en ur iohad !

XXII

Kenevo ostizéz bet er hetan guélet
Hou chonj madelehus e chomo ém spéred.

XXIII

Deu pé tri miz goudé é paliat er jardrin
E oé kavet brageu, ré er filotour fin.

XXIV

Komanset en ostiz huchal a bouiz é ben :
Henneh oé 'r filotour, mé oé mé un azen.

Dastumet get PEN OUIGNON.



Hanùeu

Sent er vro e zeliér rein de vugalé hur bro-ni

Breihiz, a pe hues un hanù de rein d'ur broèdur, keméret
unan ag er ré-men :

Pautred

S. Hernin
S. Kovran
S. Ké
S. Melén
S. Ildud
S. Trémeur
S. Guénel
S. Aman
S. Maleu
S. Emilion
S. Tangi

S. Geneg
S. Vran
S. Klomman
S. Kendeleg
S. Eflam
S. Bihui
S. Teliaù
S. Maudé
S. Stén
S. Houardon
Merhed
Santéz Haud.

Bep miz, arlerh bout lénet *Dihunamb* prestet ean d'unan
benak ha goulennet geton um gomenandein de *Zibunamb*.